




Tong LPG dirampas dalam
Ops LPG di Kampung Tanjong
Keramat pada Rabu lalu.

KPDNHEP rampas 165 tong LPG bernilai RM35,727

KUALA SELANGOR - Kementerian Perdagangan Dalam Negeri dan Hal Ehwal Pengguna (KPDNHEP) Kuala Selangor merampas sebanyak 165 tong gas petroleum cecair (LPG) bernilai RM35,727 di sebuah rumah di Kampung Tanjong Keramat di sini Rabu lalu.

Pengarah KPDNHEP Selangor, Muhamad Zikril Azan Abdullah berkata, seramai enam pegawai terlibat dalam Ops LPG itu pada jam 9.20 malam.

Menurutnya, hasil pemeriksaan

mendapati tong gas tersebut dipercayai disimpan di atas dua lori satu tan jenis Isuzu dan Daihatsu yang diletakkan di dalam kawasan rumah berpagar.

"Pemeriksaan lanjut menemukan tong gas di pekarangan rumah.

"Pemilik premis disyaki menyimpan LPG bersubsidi di tempat tidak dilesenkan dengan bekalan dipercayai untuk pasaran sekitar daerah Kuala Selangor," katanya dalam satu kenyataan akhbar semalam.

Muhamad Zikril berkata, pemi-

lik premis yang berada bersama keluarganya semasa serbuan itu dilakukan juga gagal menunjukkan sebarang dokumen yang membenarkan untuk menyimpan barang kawalan bersubsidi LPG.

Katanya, sebanyak 95 tong gas LPG berisi dan 70 tong gas LPG kosong seberat 14 kilogram setiap satu disita dalam operasi terbabit.

"Kes disiasat di bawah Akta Kawalan Bekalan 1961 menyimpan barang kawalan bukan di premis yang dilesenkan," katanya.

HARI :
TARIKH :
M/SURAT :

ISNIN
10/2/2020
31